

被人冷落的诗

1.
此恨何时已。滴空阶、寒更雨歇，葬花天气。三载悠悠魂梦杳，是梦久应醒矣。料也觉、人间无味。不及夜台尘土隔，冷清清、一片埋愁地。钗钿约，竟抛弃。重泉若有双鱼寄。好知他、年来苦乐，与谁相倚。我自中宵成转侧，忍听湘弦重理。待结个、他生知己。还怕两人俱薄命，再缘悭、剩月零风里。清泪尽，纸灰起。——纳兰容若《金缕曲·亡妇忌日有感》

2.
知君独坐青轩下，此时结念同所怀。——李白《早秋单父南楼酬窦公衡》

3.
更深人去寂静，但照壁孤灯相映。——周邦彦《关河令·秋阴时晴渐向暝》

4.
南北山头多墓田，清明祭扫各纷然。纸灰飞作白蝴蝶，泪血染成红杜鹃。日落狐狸眠冢上，夜归儿女笑灯前。人生有酒须当醉，一滴何曾到九泉。——高翥《清明日对酒》

5.
执事颇勤久，行去亦伤乖。家贫无僮仆，吏卒升寝斋。衣服藏内篋，药草曝前阶。谁复知次第，溷落且安排。还期在岁晏，何以慰吾怀。——韦应物《答裴丞说归京所献》

6.
自昔佳人多薄命，对古来、一片伤心月。——辛弃疾《贺新郎·用前韵》

送杜叔高》

7.
往事只堪哀，对景难排。秋风庭院藓侵阶。一任珠帘闲不卷，终日谁来。
金锁已沉埋，壮气蒿莱。晚凉天净月华开。想得玉楼瑶殿影，空照秦淮。
——李煜《浪淘沙·往事只堪哀》

8.
嗟君此别意何如，驻马衔杯问谪居。巫峡啼猿数行泪，衡阳归雁几封书。
青枫江上秋天远，白帝城边古木疏。圣代即今多雨露，暂时分手莫踟躇。
——高适《送李少府贬峡中王少府贬长沙》

9.
拣尽寒枝不肯栖，寂寞沙洲冷。——苏轼《卜算子·黄州定慧院寓居作》

10.
庭院深深深几许，杨柳堆烟，帘幕无重数。玉勒雕鞍游冶处，楼高不见章台路。
雨横风狂三月暮，门掩黄昏，无计留春住。泪眼问花花不语，乱红飞过秋千去。
——欧阳修《蝶恋花》

11.
春愁难遣强看山，往事惊心泪欲潸。——丘逢甲《春愁·春愁难遣强看山》

12.
柳锁莺魂，花翻蝶梦，自知愁染潘郎。——史达祖《夜合花·柳锁莺魂》

13.
无花无酒过清明，兴味萧然似野僧，昨日邻家乞新火，晓窗分与读书灯。
——王禹偁《清明》

14.

江水沉沉帆影过，游鱼到晚透寒波。渡口双双飞白鸟，烟袅，芦花深处隐渔歌。扁舟短棹归兰浦，人去，萧萧竹径透青莎。深夜无风新雨歇，凉月，露迎珠颗入圆荷。——阎选《定风波·江水沉沉帆影过》

15.

相见时难别亦难，东风无力百花残。春蚕到死丝方尽，蜡炬成灰泪始干。——李商隐《无题》

16.

试上高峰窥皓月，偶开天眼觑红尘。可怜身是眼中人。——王国维《浣溪沙》

17.

人生若只如初见，何事秋风悲画扇。等闲变却故人心，却道故人心易变。——纳兰容若《木兰花·拟古决绝词柬友》

18.

晚风庭院落梅初。淡云来往月疏疏。——李清照《浣溪沙·髻子伤春慵更梳》

19.

清明暮春里，怅望北山陲。燧火开新焰，桐花发故枝。沈冥惭岁物，欢宴阻朋知。不及林间鸟，迁乔并羽仪。——孙昌胤《清明》

20.

落日在帘钩，溪边春事幽。芳菲缘岸圃，樵爨倚滩舟。啁雀争枝坠，飞虫满院游。浊醪谁造汝，一酌散千愁。——杜甫《落日》

21.

春花秋月何时了，往事知多少。小楼昨夜又东风，故国不堪回首月明中。雕栏玉砌应犹在，只是朱颜改。问君能有几多愁，恰似一江春水向东流。——李煜《虞美人》

22.

黄蜂频扑秋千索，有当时纤手香凝。惆怅双鸳不到，幽阶一夜苔生。——吴文英《风入松》

23.

重过阊门万事非，同来何事不同归。梧桐半死清霜后，头白鸳鸯失伴飞。原上草，露初晞，旧栖新垅两依依。空床卧听南窗雨，谁复挑灯夜补衣。——贺铸《半死桐》

24.

昔别黄鹤楼，蹉跎淮海秋。俱飘零落叶，各散洞庭流。——李白《赠王判官，时余归隐，居庐山屏风叠》

25.

当路谁相假，知音世所稀。只应守寂寞，还掩故园扉。——孟浩然《留别王维》

26.

梧桐树，三更雨，不道离情正苦。一叶叶，一声声，空阶滴到明。——温庭筠《更漏子·玉炉香》

27.

遥知独听灯前雨，转忆同看雪后山。——纳兰性德《于中好·握手西风泪不干》

28.

翠钿金压脸，寂寞香闺掩。人远泪阑干，燕飞春又残。——温庭筠《菩萨蛮》

29.

孤帆远影碧空尽，唯见长江天际流。——李白《黄鹤楼送孟浩然之广陵》

30.

南浦凄凄别，西风袅袅秋。一看肠一断，好去莫回头。——白居易《南

浦别》

31.

暗相思，无处说，惆怅夜来烟月。——韦庄《应天长·别来半岁音书绝》

32.

离思著百草，绵绵生无穷。——孟郊《春日同韦郎中使君送邹儒立少府扶侍赴云阳》

33.

心似已灰之木，身如不系之舟。问汝平生功业，黄州惠州儋州。——苏轼《自题金山画像》

34.

去年元夜时，花市灯如昼，月上柳梢头，人约黄昏后。今年元夜时，月与灯依旧。不见去年人，泪湿春衫袖。——欧阳修《生查子·元夕》

35.

低花树映小妆楼，春入眉心两点愁。斜倚栏杆背鹦鹉，思量何事不回头。——白居易《春词》

36.

雨横风狂三月暮，门掩黄昏，无计留春住。——欧阳修《蝶恋花·庭院深深深几许》

37.

人到情多情转薄，而今真个不多情。又到断肠回首处，泪偷零。——纳兰性德《山花子·风絮飘残已化萍》

38.

胡未灭，鬓先秋，泪空流。此生谁料，心在天山，身老沧洲。——陆游《诉衷情》

39.

春雨楼头尺八箫，何时归看浙江潮？芒鞋破钵无人识，踏过樱花第几桥？——苏曼殊《本事诗十首·选二》

40.

昨日入城市，归来泪满巾。遍身罗绮者，不是养蚕人。——张俞《蚕妇》

本文链接：<https://duanjuziku.com/duanjuzi/xrw169z4l8.html>